

維摩詰所說經觀眾生品第七

T14n0475_p0547c23(00) || 時維摩詰室有一天女，
T14n0475_p0547c24(07) || 見諸大人聞所說法，便現其身，即以天華，散諸菩薩、
T14n0475_p0547c25(03) || 大弟子上。華至諸菩薩，即皆墮落，至大弟子，
T14n0475_p0547c26(02) || 便著不墮。一切弟子神力去華，不能令去。
T14n0475_p0547c27(02) || 爾時天女問舍利弗：「何故去華？」 答曰：
T14n0475_p0547c28(05) || 「此華不如法，是以去之。」 天曰：「勿謂此華為不如法。
T14n0475_p0547c29(01) || 所以者何？是華無所分別，
T14n0475_p0548a01(07) || 仁者自生分別想耳！若於佛法出家，有所分別，為不如法；
T14n0475_p0548a02(01) || 若無所分別，是則如法。
T14n0475_p0548a03(07) || 觀諸菩薩華不著者，已斷一切分別想故。譬如人畏時，
T14n0475_p0548a04(02) || 非人得其便；如是弟子畏生死故，色·聲·香·味·
T14n0475_p0548a05(01) || 觸得其便也。已離畏者，一切五欲無能為也；
T14n0475_p0548a06(00) || 結習未盡，華著身耳！結習盡者，華不著也。」
T14n0475_p0548a07(00) || 舍利弗言：「天止此室，其已久如？」 答曰：
T14n0475_p0548a08(03) || 「我止此室，如耆年解脫。」 舍利弗言：「止此久耶？」
T14n0475_p0548a09(01) || 天曰：「耆年解脫，亦何如久？」 舍利弗默然不答。
T14n0475_p0548a10(01) || 天曰：「如何耆舊大智而默？」 答曰：
T14n0475_p0548a11(06) || 「解脫者無所言說，故吾於是不知所云。」 天曰：「言說文
字，
T14n0475_p0548a12(00) || 皆解脫相。所以者何？解脫者，不內、不外，
T14n0475_p0548a13(01) || 不在兩間，文字亦不內不外，不在兩間。是故，
T14n0475_p0548a14(00) || 舍利弗！無離文字說解脫也。
T14n0475_p0548a15(06) || 所以者何？一切諸法是解脫相。」 舍利弗言：「不復以離婬、
T14n0475_p0548a16(00) || 怒、癡為解脫乎？」 天曰：「佛為增上慢人，
T14n0475_p0548a17(02) || 說離婬、怒、癡為解脫耳；若無增上慢者，佛說婬、
T14n0475_p0548a18(00) || 怒、癡性，即是解脫。」 舍利弗言：「善哉，善哉！天女！
T14n0475_p0548a19(00) || 汝何所得？以何為證？辯乃如是！」 天曰：
T14n0475_p0548a20(02) || 「我無得無證，故辯如是。
T14n0475_p0548a21(09) || 所以者何？若有得有證者，即於佛法為增上慢。」
T14n0475_p0548a22(00) || 舍利弗問天：「汝於三乘，為何志求？」 天曰：
T14n0475_p0548a23(02) || 「以聲聞法化眾生故，我為聲聞；
T14n0475_p0548a24(05) || 以因緣法化眾生故，我為辟支佛；以大悲法化眾生故，
T14n0475_p0548a25(00) || 我為大乘。舍利弗！如人入瞻蔔林，
T14n0475_p0548a26(03) || 唯嗅瞻蔔，不嗅餘香。如是，若入此室，
T14n0475_p0548a27(05) || 但聞佛功德之香，不樂聞聲聞、辟支佛功德香也。
T14n0475_p0548a28(02) || 舍利弗！其有釋、梵、四天王，諸天、龍、鬼神等，
T14n0475_p0548a29(03) || 入此室者，聞斯上人講說正法，皆樂佛功德之香，
T14n0475_p0548b01(00) || 發心而出。舍利弗！吾止此室，十有二年，

T14n0475_p0548b02(01) || 初不聞說聲聞、辟支佛法，
 T14n0475_p0548b03(07) || 但聞菩薩大慈大悲，不可思議諸佛之法。舍利弗！
 T14n0475_p0548b04(05) || 此室常現八未曾有難得之法。
 T14n0475_p0548b05(11) || 何等為八？此室常以金色光照，晝夜無異，不以日月所照為明，
 T14n0475_p0548b06(01) || 是為一未曾有難得之法；此室入者，
 T14n0475_p0548b07(04) || 不為諸垢之所惱也，是為二未曾有難得之法；
 T14n0475_p0548b08(03) || 此室常有釋梵四天王、他方菩薩來會不絕，
 T14n0475_p0548b09(02) || 是為三未曾有難得之法；
 T14n0475_p0548b10(09) || 此室常說六波羅蜜不退轉法，是為四未曾有難得之法；
 T14n0475_p0548b11(04) || 此室常作天人第一之樂，絃出無量法化之聲，
 T14n0475_p0548b12(02) || 是為五未曾有難得之法；此室有四大藏，
 T14n0475_p0548b13(03) || 眾寶積滿，賙窮濟乏，求得無盡，
 T14n0475_p0548b14(07) || 是為六未曾有難得之法；此室釋迦牟尼佛、阿彌陀佛、阿[門@ (人/人*人)]佛、
 T14n0475_p0548b15(00) || 寶德、寶炎、寶月、寶嚴、難勝、師子響、
 T14n0475_p0548b16(03) || 一切利成，如是等十方無量諸佛，是上人念時，
 T14n0475_p0548b17(02) || 即皆為來，廣說諸佛秘要法藏，說已還去，
 T14n0475_p0548b18(03) || 是為七未曾有難得之法；此室一切諸天嚴飾宮殿，
 T14n0475_p0548b19(00) || 諸佛淨土，皆於中現，
 T14n0475_p0548b20(09) || 是為八未曾有難得之法。舍利弗！此室常現八未曾有難得之法，
 T14n0475_p0548b21(00) || 誰有見斯不思議事，而復樂於聲聞法乎？」
 T14n0475_p0548b22(00) || 舍利弗言：「汝何以不轉女身？」 天曰：
 T14n0475_p0548b23(04) || 「我從十二年來，求女人相了不可得。
 T14n0475_p0548b24(06) || 當何所轉？譬如幻師化作幻女，若有人問：
 T14n0475_p0548b25(06) || 『何以不轉女身？』是人為正問不？」 舍利弗言：「不也！
 T14n0475_p0548b26(03) || 幻無定相，當何所轉？」 天曰：「一切諸法亦復如是，
 T14n0475_p0548b27(01) || 無有定相，云何乃問不轉女身？」
 T14n0475_p0548b28(05) || 即時天女以神通力，變舍利弗令如天女，
 T14n0475_p0548b29(05) || 天自化身如舍利弗，而問言：「何以不轉女身？」
 T14n0475_p0548c01(04) || 舍利弗以天女像而答言：
 T14n0475_p0548c02(11) || 「我今不知何轉而變為女身？」 天曰：「舍利弗！若能轉此女身，
 T14n0475_p0548c03(04) || 則一切女人亦當能轉。如舍利弗非女而現女身，
 T14n0475_p0548c04(01) || 一切女人亦復如是，雖現女身，而非女也。
 T14n0475_p0548c05(01) || 是故佛說一切諸法非男、非女。」
 T14n0475_p0548c06(05) || 即時天女還攝神力，舍利弗身還復如故。天問舍利弗：
 T14n0475_p0548c07(00) || 「女身色相，今何所在？」 舍利弗言：「女身色相，
 T14n0475_p0548c08(01) || 無在無不在。」 天曰：「一切諸法，亦復如是，
 T14n0475_p0548c09(02) || 無在無不在。夫無在無不在者，佛所說也。」

T14n0475_p0548c10(02) || 舍利弗問天：「汝於此沒，當生何所？」 天曰：
T14n0475_p0548c11(04) || 「佛化所生，吾如彼生。」 曰：「佛化所生，非沒生也。」
天曰：
T14n0475_p0548c12(00) || 「眾生猶然，無沒生也。」 舍利弗問天：
T14n0475_p0548c13(04) || 「汝久如當得阿耨多羅三藐三菩提？」 天曰：
T14n0475_p0548c14(04) || 「如舍利弗還為凡夫，
T14n0475_p0548c15(12) || 我乃當成阿耨多羅三藐三菩提。」 舍利弗言：「我作凡夫，
無有是處。」 天曰：
T14n0475_p0548c16(02) || 「我得阿耨多羅三藐三菩提，亦無是處。
T14n0475_p0548c17(03) || 所以者何？菩提無住處，是故無有得者。」 舍利弗言：
T14n0475_p0548c18(00) || 「今諸佛得阿耨多羅三藐三菩提，已得當得，
T14n0475_p0548c19(00) || 如恒河沙，皆謂何乎？」 天曰：
T14n0475_p0548c20(07) || 「皆以世俗文字數故，說有三世，非謂菩提有去來今。」
T14n0475_p0548c21(01) || 天曰：「舍利弗！汝得阿羅漢道耶？」 曰：
T14n0475_p0548c22(05) || 「無所得故而得。」 天曰：「諸佛、菩薩亦復如是，
T14n0475_p0548c23(05) || 無所得故而得。」
T14n0475_p0548c24(00) || 爾時維摩詰語舍利弗：
T14n0475_p0548c25(08) || 「是天女已曾供養九十二億佛，已能遊戲菩薩神通，
T14n0475_p0548c26(03) || 所願具足，得無生忍，住不退轉；以本願故，
T14n0475_p0548c27(03) || 隨意能現，教化眾生。」